

## 疏七『說勝行』~十『利今後』

(疏鈔一/四冊，一教起因緣之『七說勝行』，卷二 p21~)

### 七【說勝行】

『疏』：【一、頓成諸行】者：

一約心觀，謂一念相應，能頓具故。

謂知此心即是佛智，佛智即是無念，無念心體內外無著，

(一)諸過自防 (二)忍可諦理 (三)離身心相 (四)寂然不動 (五)了見性空  
(六)善達有無 (七)進詣妙覺 (八)是真信習 (九)決斷分明 (十)十度具矣  
十度既具餘行例然故修一行成一切行

二約性融者：以修一行稱法性故，性融攝故，令此一行，如性普收，無行不具。

『疏』：十住品云：下言等者：次云

『文隨於義，義隨文。如是一切展轉，成此不退，人應為說』

\*又彌勒告大眾言：『餘諸菩薩經無量百千那由他劫，乃能滿足菩薩行願，

乃至。此長者子，於一生內，則能淨佛剎乃至則能具足普賢諸行。』

皆一行即一切行義也。

▲鈔，『故普賢品初說十句』等，

經云：『欲疾滿足諸菩薩行，應修十種法。所謂心不棄捨一切眾生，

(一)於諸菩薩生如來想 (二)永不誹謗一切佛法 (三)知諸國土無有窮盡  
(四)於菩薩行深生信樂 (五)不捨平等虛空法界菩提之心  
(六)觀察菩提入如來力 (七)精進修習無礙辯才  
(八)教化眾生無有疲厭 (九)住一切世界心無所著 (十)此即初說十句也

\*則頓成五十種勝行：此為能治百萬障門之深妙勝行

1 十種清淨 2 十種廣大智 3 十種普入 4 十種勝妙心 5 十種佛法善巧智  
後五十展轉依，初十是為初，即攝後一治一切治，即今云一斷一切斷。

▲ 『鈔』：一念嗔心起，百萬障門開：經云

『佛子我不見一法為大過失，如諸菩薩於他菩薩起嗔心者。何以故？佛子！若諸菩薩於餘菩薩起嗔恚心，即成就百萬障門故。所謂：不見菩提障，不聞正法障，乃至遠離三世諸佛菩薩種性。』

問：『一斷一切斷』，斷惑約何位斷？

答：有四種，一，約證：謂十地中斷，二，約位斷：十住已去斷  
三，約行：十信終心斷，四，約實無可斷：以本來清淨故。

【二、遍成諸行】 p22

『鈔』：(菩提心)體即三心：

一直心：大智無所執著，絕能所，念名念真如，後二心以其為本。

二深心：樂修諸善，謂四弘願等。雖發此願，而無分別。契前直心，諸行相中，不可稱量，

三大悲心：見受苦眾生，方便救拔。見得樂眾生，護令不失。

雖發此心而無愛見，即無緣悲。故曰大悲，亦順直心。

\*願無量，以大願為主，多說四弘：於無作四諦理故，

一，眾生無邊誓度，度於苦源

二，煩惱無邊誓斷，斷於結集

三，法門無邊誓學，學於道諦

四，佛道無上誓成，證於滅理

\*言無作：不同小乘有生滅，

謂：造境即中，無不真實。陰入皆如，無苦可捨。煩惱即菩提，無集可斷。

邊邪皆中正，無道可修。生死即涅槃，無滅可證。

無苦無集，即無世間；無滅無道，即無出世間。不取不捨，直趣真實。

若更深入，應知一苦一切苦，則一度一切度。事事無礙故。

一惑一切惑，則一斷一切斷。一道一切道，則一修一切修。

萬行一體故。一佛一切佛，一成一切成。

等然此深義，是上圓融行之願也。上圓融雖約行說，此約願說思之。

**\*菩提心相:**

- 一，無相為相: 發心文云『今所發覺心，遠離諸性相』。
- 二，同法界相: 同 [ 理事無礙法界] , [ 事事無礙法界] 。
- 三，無分量相: 無「分齊頭數等行相」可稱量。
- 四，無齊限相: (1)若約悲願二心無齊限:盡度眾生, 盡修諸行故。  
(2) 約直心無齊限: 下無眾生可度，上無菩提可求，中無萬行可修  
亦無真如而為所念。

\* 若融上三心, 則度而無度, 修而無修.

**【初發菩提心之功德】· 十喻 p22**

▲鈔發心品十種大喻: 【第 1 喻利樂眾生喻】

『佛子，假使有人以一切樂具，供養東方阿僧祇世界所有眾生，終於一劫，然後教令淨持五戒，南西北方四維上下亦復如是，乃至云教令住辟支佛果，比發心功德百分不及一，乃至優波尼沙陀分，亦不及一。此即第 1 喻利樂眾生喻也

- |           |          |         |         |
|-----------|----------|---------|---------|
| 2 速疾步剎喻   | 3 知劫成壞喻  | 4 善知勝解喻 | 5 善知根性喻 |
| 6 善知欲樂喻   | 7 善知方便喻  | 8 善知他方喻 | 9 善知業相喻 |
| 10 十善知煩惱喻 | 11 供佛及生喻 |         |         |

\*隨一喻而十者: 十門校量顯勝總，有一百一十門。寄顯圓義故。

問: 如第十一喻中云『有人以不可說不可說供具，念念供不可說佛及眾生，經不可說劫，此之功德全比容許不齊，何以不及少分?』

答: 有三義:

- 1 無時處齊限故
- 2 稱法性故
- 3 事事無礙故。

問: 此發心功德既爾, 豈是行布行耶?

答: 是即圓融之行布故。

## 九因性

【(經卷)潛入一塵】： p25

有三義： 一、妄覆真故 二、小含大故 三、一具多故、

『鈔』：『唯以一大事因緣』 p25

1 此出涅槃經二十八云：

『善男子，因有二種：一者**生因**，二者**了因**。

能生述者是名生因，燈能照物名為了因。煩惱諸結是名生因，眾生父母名為了因。

穀子名生，水土名了。六度阿耨菩提名為生因，佛性阿耨菩提名為了因。

復有了因，謂六度波羅蜜多。佛性復有生因，謂首楞嚴三昧。

阿耨菩提復有了因，謂八正道。阿耨菩提復有生因，謂信心六度。

又云：『善男子，因有二種，一者**正因**，二者**緣因**。正因者，如乳生酪。緣因者，如醇暖等。又云” 『正因者，名為佛性。緣因者，發菩提心。』

又云” 『正因者，謂眾生。善男子，僧名和合，和合者名十二因緣，十二因緣中亦有佛性。十二因緣常，佛性亦常。是故我說僧有佛性

\*(清涼云：前有六對生了二因。前三對，以因為生因，緣為了因。

此就能生後三對，以因望果，以論生了)

下疏云：然則**緣因即是了因**，**了因未必是於緣因**，有親疎故

1 善友是於緣，必是了(善友是疎亦緣亦了如醇暖等是酪了因亦是緣因)

2 佛性名為了因，未必是緣。此約智慧性故

(以無漏智性，本自具足。本有真實識知等義。當體名了。

又約有性，居然是了。)

3 若以第一義空為佛性者，唯是正因而非了因。但為了因所了，而非生因所生

4 若以智慧為佛性者，即是了因

5 若以五蘊為佛性者，名為正因，亦名生因

6 又云五蘊相續即是正因，亦名生因。言正因者是中道義，中道即是佛性

## 【開示悟入】： p26

- 1 開者，即是十住初破無明，開如來藏，見實相理，緣修惑破名，使得清淨。
  - 2 示者，惑障既除，知見體顯，體備萬德，法界眾德顯示分明，故名為示。十行位
  - 3 悟者，障除體顯法界行，明事理融通，更無二趣，故名為悟，即十迴向位也
  - 4 入者，事理既融，自在無礙，自在流注，任運從阿到茶，入薩婆若海即是十地位也
- \*然圓通妙位一位之中即具四十一地功德

## 【十利今後】：

疏：發心品云『法慧說此法時，諸佛證已』

次經云『汝說此法時，有萬佛剎微塵數菩薩發菩提心。我等今者，悉授其記。  
於當來世，過千不可說無邊劫，同一劫中，而得作佛，出興于世，  
皆號清淨心如來，所住世界，各各差別，  
我等悉當護持此法，令未來世一切菩薩。未曾聞者悉皆得聞』

1 清淨心者：以聞菩提，見心性故，

2 而經多劫者，然餘教說定三僧祇，此宗所明劫數不定，略有四類：

(1)或展則無量不可說不可說剎塵劫，如法界品說

(即瞿目波仙人，暫時執手，時經多劫等是也)

(2)或千不可說，或減，或增。如大威太子及此中說

(3)或一生二生，如善財童子兜率天子

(4)初心即得，『以是發心即得佛故』，并纔發心時即得一切佛智慧等)

\*所乘之法既自在圓融，能乘之人，亦遲速不定。念劫融故。

## 【生如來家】 p27

1， 初住，見心性故，故名生(如來)家。

2， 四地，寄出世，故生道品家。

3， 八地，無功用故，生無生法忍家。

\*今此通三，兼顯凡夫解心，亦名生家，因果無礙故。

【乃至深入如來無礙境界】： p27

【生如來家】，為總，乃至所引九句為別：

1 以如境為家，

2 以行法為家，具家法故(菩薩行是如來家法故)

3 俗境為家，世親攝論云： 由此令佛種不斷故

(謂由後得智，了達俗境。觀機審法，說教化生，令生依行成聖，佛種不斷故)

4 遠離非家(遠離世間不是如來家法故)

5 以佛行為家(第二說菩薩行，此說如來行故不同也)

(十住婆沙論云： 初地菩薩行，如來道相續不斷故 )

6 菩薩法性為家故(亦是佛種性故亦同如來一如境故)

7 當淨佛家(當來至佛位中，所得自在，上心無疑惑，故淨也)

8 住本佛家(住本有性，不從師得之。佛家也)

9 因果理事無礙家

前六自分家(但就因位，說通諸地)後三勝進家(約果位說也，因是能勝進果是所勝進)。

【有作之修】 p27

1 八識生滅有作之心，修於萬行，則見有實惑可斷，實行可作，當果可求。名為有作

既依生滅有作心修，故所修萬行盡屬有作，

2 若頓悟真心本淨，妄心本空，故所修萬行盡是真心(既屬真心，則名無作)

3 非謂全不修作，名為無作。 若全不修作，即是修外求於無修，乃外道見也。

【無心體極】 p27

1 既悟妄心本無，真心本淨，故所起心，皆是無心。

2 若但無心，亦未能體極，亦不能一念契證也。

3 一念契者，若三乘望理，為一念契佛家。

4 今圓教中，一念即無量劫，故一念契時，即已究竟，生無生法忍家矣。

【以等法界三業悔過】 p30

1. 由昔起過既徧諸境，今悔昔非故運三業等眾生界，一一佛前及眾生前發露懺悔
2. 夫懺悔者須識逆順十心 此依天台止觀第三中意)：

順十心悔過	逆十心悔過
一，妄計我人，起於身見	十，觀罪性空。
二，內具煩惱，外遇惡友，勸惑我心隆盛	九，念十方佛，翻昔親狎惡友， 信受其言
三，內外既具滅善心事，不喜他善	八，隨喜他善
四，縱恣三業，無惡不造	七，修功備過，翻昔三業造罪， 不計晝夜
五，事雖不廣，惡心遍布。 猶如獵者，萬般禽獸總帶殺心。 慳貪之者，舉世資財無一不要， 事未必遂，惡心遍布。	六，發菩提心
六，惡心相續，晝夜不斷	五，斷相續心，已能吐之，云何却噉
七，覆諱過失，不欲人知	四，不覆瑕玼 (玉內有病為瑕，玉外有病為玼)
八，虜扈(不慚不順之貌)，抵突不畏惡道	三，怖畏惡道，人命無常。一息不追 千載長往，豈可安然坐待酸痛
九，無慚無愧，不懼凡聖	二，深自剋責，天見我屏處罪， 人見我顯處罪，生慚愧心
十，撥無因果，作一闡提	一，明信因果，終無自作他人受果

\*\*次起十種逆生死心從後翻破前十

▲ 『鈔』若如是知，p30

『罪性非有，從顛倒生。無所從來，亦無住處，非無如幻。』

如影招妄果報，而不差失。離斷常故，深達罪福相。』

- 故涅槃經，『阿闍世王云：若我知是法，畢竟不造罪。』
- 故圭山云：『雖悟理而不息業，』

▲ 『鈔』:諸(地獄)天子，以花香等供佛而得大益: p30

所持供具言而成大益者，1，聞香得九地， 2，見蓋得十地。

\*【其身安樂】者: 由脫障故，得解脫樂故。

\*喻【四禪無八災患】

(初禪出憂， 二禪出苦， 三禪出喜， 第四禪出樂，  
二禪已上，無尋及伺， 第四禪無出入息也)

『鈔』出現品云: 『如來成正覺時，於其身中，普見一切眾生成正覺』 p31

1， 此『明因果交徹』。

2， 問: 『此中若是事成，云何同一性? 若是理成，云何成正覺入涅槃耶?』

3， 答: 此是華嚴大節，圓宗之義。不對諸宗，難以取解。然諸眾生。

(1)若於人天位中觀之，具足人法二我。小乘唯是五蘊實法。

(2)大乘或說: 但心所現，或說幻有即空，人法俱遣，

或說唯如來藏，具恒沙性德故，

\*眾生即在纏法身身，眾生義一，名異。

\* 猶據理說，更有說言相，本自盡性本自現，不可說言，即佛不即佛等

\* 若依此宗，舊來成竟亦涅槃竟

(理不礙事八相成故，事不礙理皆同一性。

又理不礙事，一成一切成。事不礙理，都無所成。以理融事故。

一成一切成，答前若是事成。若是理成。雙關之難也)

『鈔』:【地獄天子轉三重利益】 p31

1，轉利益，言第三重者:

答: 若三重，得十地。聞香但得九地。故攝屬初重轉益。

見蓋得十地故為第二重，今約轉利益則聞香滅障已當第二重，

見蓋遇光合為一重故為第三重。

(因十義，竟)